

Urlatik

LEINTZ GATZAGA / Egubakoitza / 2005eko azaroaren 11 / 27. zenbakia

KOORDINATZAILEA: Xabier Urtzelai • Otorlora Lizentziaduna 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: xurtelai@goiena.com • Lege gordailua: 55483/05

Domekako San Milixan ferian, besteak beste, Garestik ekarritako piperrak erreko dituzte

XABIER URTZELAI

Domekan hamahiru urte egingo ditu gatzagarrek San Milixanetan antolatzen duten artisau feriak. Aurten ere hamabost artisauk jarriko dute postua; gehienak pilotalekuan, baina nafarrek kanpoan erreko dituzte piperrak.

Izan ere, hori da aurtengo berrietasunetako bat, Garestik (Punte la Reina) etorriko diren Tomas Latasa eta beste lau lagun piper erreko egiten ibiliko dira-eta, arkupeetan. Horretarako bi su egingo dituzte, eta bistan da pilotaleku barruan ezingo luketela horrelakorik egin. Gainera, postu handia ekarriko dutenez, leku gehiago behar.

GARESKO PIPERRAK

Tomasekin izan gara aste barruan, eta Gatzagara nola iritsi azaldu eta gero, domekan egingo dutenaren berri eman digu: "Joan den astean Mungian (Bizkaia) izan ginen, eta bertako bizilagunak harrিতuta geratu ziren piperrak nola erretzen ditugun erakutsi genienean. Egia esan, ez dauka misterio handirik, baina jende askok ez du sekula ere ikusi. Makina berezi bat eramango dugu horretarako, eta aurrez zer-bait esatearren, gaztainak erre-



Produktuak saltzearekin batera, artisauak lanean ibiliko dira domekan.

ASTELEHENEN GOIENKARIA

tzeko danbolinaren antza duela esango dut". Piperrak probatzeko ere emango ote dituzten galdetu diogu: "Ezingo dugu horrelakorik egin, ez dugu-eta piperrak zuritzeko astirik izango. Horretarako lagun gehiago behar dira lanean. Gure asmoa da piperrak nola erretzen ditugun erakutsi, eta baita piperrak saltzea ere.

Izan ere, Euskal Herriko jende asko gerturatzeko da Garesera piperrak erostera. Baliteke, gainera, piperrekin batera babarrunak ere eramatea.

ARTISAUAK LANEAN, ETA SALTZEN

Gainerako hamalau postuak pilotaleku barruan jarriko dituzte. Piper erre usaiak giro-tuko du pla-

za, baina horrekin batera beste hainbat eskaintza izango dira. Felix Ajuriak eramango du gazta, Mañeko baserrikoek egingo dute artisau gozogintza, eta Gatzagako Sorginen eskutik egingo da talo eta ardo onena. Baina dena ez da jateko izango. Carmen Bollar izango da euskal buztingintza erakusten, eta Maika

Herasek eramango du kosmetika naturala. Horiakin batera, zilarrezko bitxiak, oihal zatiekin egindako lanak, ezpelarekin egindako lanak, artoarekin egindako alfonbrak, torneaketa eta beste hainbat produktu eta lanbide egongo dira erakusgai. Hala, erosketak egitearekin batera, artisauak lan nola egiten duten ere ikusi ahal izango da domekan Gatzagan.

AUTOBUSA DORLETATIK GATZAGARA

Udaletik gogorazi gura izan dute domekan Gatzagara datozenek Dorletako Santutegian utzi ahal izango dituztela autoak; izan ere, Dorletatik Gatzagara autobusa egongo da 09:00etatik 13:00ak arte. Horrek erraztu egingo du egun horretan herrian egon daitezkeen zirkulazio arazoak, eta baita aparkalekuena ere.

GATZ MUSEOA ZABALIK

Gatz museoa zabalik egingo da domekan. 11:00etatik aurrera egingo dituzte bisitak, baina normalean baino jende gehiago ibiliko denez, ez dituzte ohiko ordutegiak errespetatuko; taldeak osatzearekin batera antolatuko dituzte bisitak. Eta, ohiko bisitekin alderatuta berezitasun bat edo beste ere egingo dela aurreratu digute gatz museoko arduradunek.

Diputazioak eta Udalak hiru proposamen aurkeztu dituzte

X.U.

Martitzenean batzartu ziren gatzagarrek, garraio bide publikoaren arazoaren gainean berbetan jarraitzeko. Udaleko ordezkariak Diputazioak proposatutako hiru irtenbide eman zituzten.

Lehenengo proposamena da goizetan gazteak eskolara eramaten dituen autobusa erabili ahal izatea. Aukera horrekin, gatzaga-

rrek 08:30ean Eskoriatzara jaitsi ahal izango dute, eta 16:30ean herrira igotzeko autobusa izango dute. Eta horrekin batera, Pesako autobusak egunean birritan igaroko dira Gatzagatik.

Eta hori da hiru proposamenen artean fundamentu gehien duena, beste bietan herritarrek ibili beharko lukete-eta gora eta behera, autoekin zerbitzu hori eskaintzen, horretarako lizentzia bereziarekin, ala barik. Gainera, Diputazioek jarri duten argu-

dioetako bat izan da Gatzagan automobil asko dabilela, eta gaitza dela autobus gehiago jartzea. Eta, herritarrendako kontraesana da hori; izan ere, Diputazioak garraio bide publikoaren alde egin behar dela esaten duen bitartean, autobusa ez jartzeko aitzakia ederra erabiltzen dute: auto asko dabilela, hain zuzen. Gatzagarrek gutuna bidaliko die Diputazioekoei, eta bitartean, pankarta jarriko dute pilotalekuaren horman, garraio bide publikoa eskatzeko.



Autobusak eskatzeko pankarta jarriko dute asteburuan Gatzagan.

Aitzorrotz elektrizitatea
Alboka jantzi denda
Angelines fruta denda
Aretxabaleta iturgintza
Artzubi etxetresna elektrikoak
Asensio jantzi denda
Begiondo optika
Brasileña akeita etxea
Errekabarren fruta denda
Gemes edertze aretoa
Gertu janari prestatuak
Haurrak jantzi denda
Iber loteria
Imanol harategia
Iosu harategia
Iriarte mertzeria
Irudi ile apaindegia
Jauregi okindegia

Udazkeneko kanpaina 2005

500€-ko 5 erosketa-bonu
Irabazleak:

ANTONIA NAVARRO

AURELIO BLANCO

DANIEL ARRIOLA

DAVID TORRES

JUANA MARI ARREGI



Jon Diaz harategia
Katibos ume oinetakoak
Kioskoa kioskoa
L-10 ile apaindegia
Lasai masajeak
Leibar arrandegia
Leintz mertzeria
Leniz liburu denda
M^a Jesus argazkiak
M^a Karmen oinetakoak
Maritxu mertzeria
Martin bitxitegia
Nerian loradenda
Orly pub
Txilarra belar denda
Zainduz osasuna/fitnessa
Zare jantzi denda
Zubia oinetakoak

LUKO JAURLARITZA GOBIERNO VASCO

EXPRESS TABERNA

Santa Kurtz 16 | Aretxabaleta | Tel.: 943 79 23 43

**Berriz
zuekin**

Asteburuetan



11:00etatik aurrera zabalik

Pintxo beroak



Aretxabaleta okindegia

*Basaben eta Loramendin
gertu eta fin!*

Basabe 2. Tel. 943 77 00 81
Loramendi 6. Tel. 943 77 17 19



BERRIKUNTZAK:

• **PROGRAMAZIOA**

Etenik gabeko programazioa
(13:15 / 00:15)

• **INFORMATIBOAK**

Orduoro eta inor baino lehenago
(laurden gutxi guztietan)

SAIO BERRIAK:

• **16 MM:** Film laburren saioa

• **MOTZEAN:** Herritarrei elkarrizketak

• **DIDJERIDU:** Gazteendako saioa

TELEBISTA IRAULI EGIN DUGU

- Etenik gabeko programazioa
- Informatiboak orduoro
- Programazio berria



Goitb
Goiena Telebista

Ikustekoa!